

UNISSA - UIN bincang kerjasama dua hala

Siaran Akbar dan Foto : Universiti Islam Sultan Sharif Ali

BANDAR SERI BEGAWAN, Isnin, 19 Februari. - Universiti Islam Sultan Sharif Ali (UNISSA) melalui Fakulti Bahasa Arab menerima kunjungan Universitas Islam Negeri (UIN) Maulana Malik Ibrahim Malang, Indonesia.

Kunjungan pertama itu bertujuan untuk membincangkan bidang kerjasama memandangkan terdapat aspek persamaan di antara keduanya universiti tersebut dalam bidang bahasa Arab.

Antara bidang kerjasama yang diharapkan adalah memperkasa penggunaan bahasa Arab menerusi pelbagai aktiviti, antaranya perkhidmatan bahasa Arab dan Debat, di samping keperluan untuk

melakukan kerjasama dalam penyelidikan dan penyediaan buku teks.

Rombongan UIN diketuai oleh Dekan Fakultas Humanioris, Dr. Haji Syafiyah itu dialu-alukan oleh Dekan Fakulti Bahasa Arab, Dr. Siti Sara binti Haji Ahmad.

Pengajuran seminar kolaborasi mengenai "Realiti Pengajaran Bahasa Arab dan Kesusastraan Arab di UNISSA dan UIN Malang" adalah kerjasama pertama yang dilakukan di antara dua universiti.

Seminar itu membahaskan isu dan cabaran yang dihadapi oleh kedua-dua universiti dalam pengajaran bahasa Arab dan kesusastraan Arab.



DEKAN Fakulti Bahasa Arab, Dr. Siti Sara binti Haji Ahmad (tiga, kanan) bergambar ramai bersama rombongan dari Universiti Islam Negeri (UIN) Maulana Malik Ibrahim Malang, Indonesia.

Lakas Tah Minum Air Kosong dilaratkan ke sekolah ugama



KEGIATAN sampaikan semasa Kempen Lakas Tah Minum Air Kosong (kiri), sementara gambar kanan, para murid mendengar taklimat kesihatan yang disampaikan oleh salah seorang pelajar penempatan UBD, Dayang Nurafiqah binti Muhammad Zulhilmi.

CERAMAH KHAS

"MENSYUKURI NIKMAT KEMERDEKAAN"

RABU 21 Februari 2018
Selaras Solat Maghrib

MASJID
RASHIDAH SA'ADATUL BOLKIAH
KAMPONG SUNGAI AKH

BERSAMA YANG MULIA USTAZ DR HAJI HARAPANDI DAHR

@masjid_rashidah_s.bolkiah
Masjid Rashidah Sa'adatul Bolkiah

*Harap maklum kami mohon maaf sekiranya berlaku sebarang pembatalan/perubahan kuliah di saat akhir

Siaran Akbar dan Foto : Pusat Promosi Kesihatan

TUTONG, Isnin, 19 Februari. - Kementerian Kesihatan melalui Pusat Promosi Kesihatan dengan kerjasama pelajar-pelajar penempatan Universiti Brunei Darussalam (UBD) meneruskan lagi usaha menyokong dasar meminum air kosong dengan melaraskan Kempen Lakas Tah Minum Air Kosong 2018 di sekolah-sekolah ugama.

Sekolah Ugama Pengiran Anak Puteri Norain, Tutong, menjadi sekolah ugama pertama yang mengadaptasikan dasar minum air itu kepada guru-guru dan pelajar di sekolah berkenaan.

Hadir selaku tetamu kehormat Pembantu Pegawai Pengajian Islam Daerah Tutong, Awang Morslin bin Haji Noralimin.

Pembukaan kempen itu dimulakan dengan bacaan Surah Al-Fatihah dan doa diikuti dengan ucapan alu-aluan daripada Penolong Guru Besar, Pengiran Armah binti Pengiran Haji Apong.

Tetamu kehormat dalam ucapan perasmianya antara lain menjelaskan, kempen seumpama itu amat penting bagi memupuk pelajar-pelajar untuk meminum air kosong dan mengurangkan pengambilan minuman yang mengandungi gula berlebihan sekalau usia.

Oleh yang demikian, ujarnya, adalah tanggungjawab semua pihak, termasuk ibu bapa dan pihak-pihak berkepentingan untuk

menyarankan anak-anak meminum air kosong bagi melahirkan generasi yang sihat pada masa akan datang.

Kempen Lakas Tah Minum Air Kosong dilancarkan dengan ucapan slogan 'Lakas Tah Minum Air' beramai-ramai.

Selain itu, taklimat kesihatan disampaikan oleh pelajar penempatan UBD, yang mana taklimatnya mengandungi kepentingan meminum air kosong dan bahaya meminum minuman tinggi gula yang berlebihan.

Antara aktiviti yang diadakan adalah sesi soal jawab soalan kuiz kesihatan, pertandingan minum air bagi murid darjah prasekolah,

pertandingan menyelesaikan puzzle bagi pelajar Darjah I dan II, pertandingan mereka slogan bagi pelajar-pelajar Darjah III dan pertandingan membuat poster bagi pelajar-pelajar Darjah IV, V dan VI.

Melalui kempen tersebut, diharap akan memupuk dan menanam tabiat pelajar untuk berbekalkan air botol berisi air kosong untuk diminum di sekolah.

Justeru itu, pendedahan dan dorongan secara tidak langsung akan mengubah tabiat mereka daripada meminum minuman yang tinggi gula menjadi minuman air kosong dan diharap jumlah pengambilan minuman yang tinggi gula akan berkurangan.